

DEO OPTIMO MAXIMO

UNI ET TRINO,

VIRGINI DEI-PARÆ, ET S. LUCÆ,

Orthodoxorum Medicorum Patrono.

QUÆSTIO MEDICA.

QUODLIBETARIIS DISPUTATIONIBUS,

mandè discutienda in Scholis Medicorum, die Jovis vigesima tertia mensis Januarii,
anno Domini MDCC. LXXVII.M^o. GUILLELMO-JOSEPHO DE L'EPINE, antiquo Facultatis
Decano, Doctore Medico, Præside.*An Temperamentorum varietas potius à viâs genere, quàm à Solo
& Cælo repetenda?*

I.



UAM miranda corporis humani fabrica! quàm veri sapientis scrutatione digna ejus constitutio! non minus uberem speculationibus & ratiociniis ansam præbet nobilior mens nostra; amplam cognitionum messem spondet iis quibus attentè imperium ejus in corpus humanum pensare animus est: hæc est vera scientia, hic fons & origo sapientiæ: alii sub dio Cælos & fidera legant, alii Algebram diù nocturne vigiles sectentur, brevi ad utiliore Physicam reducent catarrhus & podagra, auxiliique repetendi dura coget necessitas. Humana corpora si inattentè conspexerimus, nullas vel saltem paucas inter se differentias primâ fronte exserere videbuntur; Anatome ipsa non nisi faciem subobscuram & tremulam in inquirendâ corporum naturâ subministrat. Hâc duce quid cernimus? fibras, nervos, vasa, semper idem partium servatur ordo, eadem figura, dispositio; hæc observare queunt rudiores homines non secus ac ingenii acumine magis insignes. Sed si intimiora naturæ humanæ perscrutemur, si singulorum inter se hominum comparatio instituat, ingens inter eos elucet discrimen; huic corpus torosum robore pollet ac viribus, illi luridâ facies debile corpus adesse monstrat, alter exquisitori sensibilitate donatur; dum econtrariò conspicias cui sint sensus obtusiores nulloque suscitandi stimulo: vix demùm duos reperias homines itâ naturâ ac temperie similes, quorum unicuique peculiaris non sua sit *idiosyncrastia*; hanc privatam constitutionem *temperamenti* nomine appellarunt veteres Medici; verum tamen cum varia temperamenta aliquâ certam inter se similitudinem inducant, & intrâ pauciores classes coarctari possint, Medicinæ parentes ea ad quatuor revocarunt, *sanguineum* nempe, *pituosum*, *biliosum* & *melancholicum*; cum autem rarò simplex in uno subiecto reperiat, composita inde enata compositum

ex simplicibus retinere vocabulum, sic *bili-so-melancholica* temperies ex biliosa & melancholicâ conjunctis dicta fuit. Ne tamen credas nativam in omnibus remanere crassam, quin imò vix in quibusdam pauca ejusdem reperias vestigia, quasi mutatus sit homo totus: causam quæris? In promptu est; varium vitæ genus corporum constitutionibus variandis aptius & frequentius esse modò mecum senties; suum tamen hic symbolum conferre soli naturam, situm, nec non & peculiarem Climatis temperiem non inus inficias.

I I.

ITA à naturâ constituti sumus ut corporum impressiones sensum nativæ temperiei indolem alterare valeant, atque non secus ac cera impressam à sigillo effigiem accuratè reddit, simili propè modo mutationes à corporibus externis in nostrum factæ, horum naturam semper aliquatenus redolent; enimverò neminem fugit corpus humanum constare fibris & humoribus; priores vi motrice pollentes humorum circuitui secretionique invigilare; posteriores autem fluiditate & naturâ donari quibus horum distributio partiumque nutritio ritè perficiantur: quamdiù actiones illæ constanti eodemque tenore exercentur, idem perstat corpus, sublato verùm æquilibrio mutatur; imminuatur, v. g. vis solidorum vel plus æquo augeatur, fluida vasis torpent vel ultrâ metas efferuntur. In hac autem rerum naturâ, à primo vitæ limine usque ad fatum ineluctabile, quanta occurrunt quæ nativam temperiem laceffant & à sede suâ deturbent? Ne nauseam moveat singulorum enumeratio, vide quam dissideant naturâ & temperie sub cælo gelido Lappones perpetuò rigentes, & Afri ab æstu igneo quasi torridi, nunquam ab eadem origine egressos dicas. Si spectes soli naturam, causa quidem esse offert altera quæ hominum temperamentis non paucas afferat mutationes; aliud est lares ponere in regione putridis lacuum & paludum effluviis spurcâ, aliud in loco excelso & ventis perflato domum exstruere; in priori casu pituita ingeneratur, humores sordidâ colluvie inquinantur & homines squallore foedisque tumoribus deturpantur. Econtrariò qui solum siccis habitant, humores habent magis exaltatos, corpus leve & alacriori præstant ingenio. Ex hoc duplici causarum fonte scaturiunt quidem quædam generales temperamentorum varietates, at cæteræ generales necnon & omnes ferè peculiare ab eodem derivari non possunt; fidem negas? dictis ipsa suppetit observatio; nonne in eadem regione, sub eodem cælo incolarum temperamenta singula à singulis differunt (remanentibus tamen semper constitutionis huic regioni propriæ vestigiis)? Undè petenda sit tot & tantarum varietatum causa suprà jam dictum fuit: harum varius scilicet vivendi modus, diversique hominum mores sat sæcundum indicant fontem; opinionem nostram confirmabunt sequentia.

I I I.

HOMINES in quâlibet conditione contemplare, singulis planè peculiarem & ab aliis diversissimum reperias vivendi modum: uniuscujusque victus rationem explanare non vacat, nec minùs indubiæ veritatis sigillum nostræ apponetur demonstrationi, si tantum præcipuas differentias quas ipsa hodierna consecrat observatio ad assertionem enodandam attulerimus, si demùm pateat quomodo ex illis differentis hæc vel illa originem ducant temperamenta. Confer inter se agricolas urbiumque cives, quàm dispar inter hos & illos temperamentum! Hi foemineâ cum facie pingue & debile corpus gerunt, labori minime cedunt defatigati; illi vultu subrufo, membris torosis & robustis distinguuntur; rure demum biliosa, bilioso-sanguinea sunt temperamenta; urbis verò incolæ ad temperiem pituitosam humidamque magis disponuntur; undè tanta diversitas, nisi à

diverso victûs genere? Agricolarum enim victûs simplex, rudis, duri sæpèque repetiti labores fibras corporis firmant, humores purissimos energiæque debitâ pollentes gignunt: contrâ divites quibus dedecori labor est, qui famis nescii, gulæque vilia tyrannidis mancipia, conditis palatum refuscitare tentant dapibus; qui tumultuosos sæpè exagitantur animi pathematibus; nil mirum si inde orti humores crudi pravique fibræ eandem deindè labem inurant & optimam indolem sensim in pessimam convertant. Cur humidâ polleant temperie timidumque imbecilli in corpore animum gerant foeminæ, certè non nisi ab earum vitâ molli & desidiosa deducas; mutetur infantes educandi modus, virilem & robustam indubiè nanciscuntur constitutionem; testor agrestes mulieres duris virorum laboribus & exercitiis assuetas. Quid plura? Sint duo infantes ejusdem ætatis ab iisdem parentibus sanis vegetisque prognati, sed methodo planè contrariâ educati; alter nempè, vitam agrestem & liberam colat; solis ardores brumamque glaciale aspernari solitus, ludis, cursui, equitationi alternis sese exerceat: alter autem, uti mos est hodiernus, solis æstus & frigus omne sollicitè devitet; studio librorum ingrato pertæsum non liceat recreari ludis & corporis exercitationibus: quid, quæso; exindè consequetur? Ille certè floridâ lætus juventute validam & constantem assequetur temperiem; dùm è contrario hujus nativâ constitutione vitiatâ, succedet alia pejor, debile corpus, vitrea valetudo; institutam comparisonem nimis frequens confirmat experientia.

I V.

SI Medicorum libros interrogemus, ex iis constare videtur multiplex morborum sagmen sæpius ex errore in consueto victûs genere originem traxisse; undè, ni fallor consequitur plerosque morbos considerari debere tanquam effectus nimis promptos à victûs modo perturbato prodeuntes; mutatione enim insolitâ quasi obruitur natura, omnique mutatio repentina pessima: at si error in regimine insufficiens est ad morbi generationem, alterationes tamen quasdam paulatim inducet temperiei, & iteratis erroribus sæpèque mutatâ vitâ, sensim prima vitabitur constitutio, novaque è ruinis exsurget. Non hic mera mentis delirantis hypothesis, magna nimis, cheu, dictorum veritatem confirmant exempla: etenim ut flectam allatas mutationes quas diversum vitæ genus offert in agricolarum, & urbanorum &c. Temperamentis; quot gentes quæ, dum simplices honestique vigeant mores, nomen ab orco diù tutatæ sunt & non sine gloriâ militaverunt! At primis fugatis quocumque modo moribus corruptisque inductis, dedere brevi suæ pœnas ignavia oblivione æternâ? Quamdiù Romani severam morum gravitatem vitæque simplicitatem in honore habuerunt, gloriæ culmen attigere, orbique ferè universo leges & jura dare meriti sunt; postquam autem Asiæ victæ exuvias Romam retulere, tunc incubuit luxuria, orbemque victum ulciscitur; jam pristina evanuit morum simplicitas, vitâ molli omnique deliciarum genere enervata fuere corpora, undè in dies famâ & virtute decrefcere cœperunt, orbisque tandem imperium amittere. Sed quid aliena quæram exempla dum ipsi suppeditant Galli? Quantum cheu, à patribus hodiè diversi! Audias Cæsarem ipsum in Commentariis: *Hominibus Gallis, inquit, præ magnitudine corporum suorum brevis Romana contemptui est; & alibi; Horum corpora mirifica specie amplitudineque, cæsa toto campo ac prostrata diversè jacebant.* Collaudat idem ingenia Gallorum candida & aperta, vitamque frugalem; miratur pro patriâ & libertate amorem, horum fortitudinem plus semel expertus: quis hodiè patres in nepotibus agnosceret? Quò abiit miranda hæc corporum amplitudo tantusque vigor? Ubinam simplicitatis pristinæ candorisque vestigia? Quibusnam in pectoribus æstuat fervidus amor patriæ? Non tamen mutata est regionis natura, idem Galliæ solum, idem cælum; ambages hic superflue: nodum solvit mutatio

in viciis genere, in moribus; nunc effrænata libido, intemperantia, coquorum ars venefica, corporum ruinam certatim adoriuntur; lues immunda avis ignota fontes vitæ & generationis inquinat. Quid igitur impedit quominus cum Cælo dicamus? *Desidia & luxuria hæc duo vitia apud nos corpora vitiantur.*

V.

QUIDAM incassum nostram argument sententiam, cum à cælo, scilicet; folique naturâ derivari omnes temperamentorum varietates, sexcentisque confirmari posse asserunt exemplis: bona verba reor, sed quæ falsi arguunt observatio & experientia: judicem appello unum quemque verum sincerè investigantem, par ne institui possit comparatio? An unquam aëris etiam impurius inclementia tot & tantas edidit strages quam gula libidinumque temperatori in regione effrenata cohors? Præterea si reverâ soli cœlique natura, præcipua temperamentorum varietatis esset causa, magis inter se convenirent in eadem regione temperamenta: non me latet Gallos peculiari temperamento semper ab aliis populis discriminari; at reipsâ etiam nonne omnino diversum est vitæ genus, nonne planè diversi mores? Instabunt, gentis mores vitæque genus à solo & cælo ac proinde temperamentorum varietatem, originem sumpsisse; satis superque argumentum diluit instituta superius inter hujus ævi Gallos & majores nostros comparatio. Ex prælibatis igitur constat ad melius comparandum temperamentum non alias longè petendas esse regiones, non alia quærenda sidera, sed tantum mores vivendique modum, esse mutandos. Stet itaque inconcussa conclusio nostra:

Ergò Temperamentorum varietas potius à viciis genere, quàm à Solo & Cælo repetenda.

DOMINI DOCTORES DISPUTATURI.

*M. Ludov. Gilbertus BOYROT
DE JONCHERES.*

*M. Cosma - Augustinus
LÉZURIER.*

*M. Joannes-Stephanus GUET-
TARD, Regiarum Acade-
miarum Parisiensis, Rupel-
lensis, Florentinæ & Stokol-
miensis Socius, Censor Re-
gius & Historiæ Naturalis
Musæi serenissimi Ducis Au-
relanensis Custos.*

*M. Carolus SALLIN, Consilia-
rius Medicus Regis ordinarius
in ejus castelleo.*

*M. Nicolaus JEANROY, Bi-
bliothecæ Facultatis Præfec-
tus, Regii Medicorum Collegii
Nanceianorum Socius hono-
rarius.*

*M. Natalis-Maria DE GEVI-
GLAND, Rei Herbariæ Pro-
fessor, Regiorum in Germania
Ducum & Militum Nosoco-
miorum nuper Medicus.*

*M. Simon VACHER, Regis
Exercituum in Insulâ Corsicâ
Medicus primarius.*

*M. Achilles - Guillelmus LE
BEGUE DE PRESLE.*

*M. Carolus-Francisus BOV-
TIGNY DES PRÉAUX.*

Proponebat Parisiis GUILLELMUS MICHEL, Stenacæus, Saluberrimæ
Facultatis Medicinæ Parisiensis Baccalaureus, Theosop. Auct. A. R. S. H. 1777.
A SEXTA AD MERIDIEM.

Typis QUILLAU Universitatis & Facultatis Medicinæ Typographi. 1777.